

**Vakcinisanje protiv korone:
Činjenice o želji za djecom i
trudnoći**

Vakcina djeluje!



Vakcinisanje protiv korone je sigurno i veoma efikasno.

Za parove koji žele imati djecu, trudnice i dojilje posebno je važno biti dobro zaštićen od koronavirusa.

Informišemo Vas kako ćete najbolje zaštititi sebe i svoje dijete.

Sve odobrene vakcine protiv korone u EU

- **sigurne su i veoma efikasne.**
- **opsežno su testirane**, također na ljudima koji žele imati djecu.

Nacionalni gremij za vakcinisanje preporučuje trudnicama, dojiljama i osobama koje žele imati djecu da se vakcinišu protiv korone,

- jer je to **opsežna zaštita** za roditelje i dijete.
- jer se tako u velikoj mjeri štiti od **teških oblika bolesti, smrtnih slučajeva i dugotrajnih posljedica.**

Važno je znati:

Najbolje se vakcinisati protiv COVID-19 još prije planirane trudnoće. Mogućnost za vakcinisanje postoje za sve, direktno u Vašoj blizini.

oesterreich-impft.at/jetzt-impfen

Nema šanse za lažne vijesti!

Sigurno ste već čuli mnogo glasina o vakcinisanju protiv korone. Ne dozvolite da Vas zbune. Informišite se i objasnite drugima!

Želim imati djecu.

Da li se trebam vakcinisati? – **Da!**

Naučne studije dokazuju:

- **Nema naznaka za smanjenu plodnost ili impotenciju.** Želja za djecom vakcinisanih osoba također se ostvarila.
- Vakcinisanje protiv korone **ne oštećuje genom i nema negativnih utjecaja na jajne ćelije ili spermu.**
- Vakcinisanje protiv korone **ne utječe na stvaranje posteljice.** Protein za izgradnju posteljice se ne mijenja.

Važno je znati:

Studije pokazuju da vakcinisanje protiv korone ne utječe na broj i kvalitet jajnih ćelija i sperme. Vakcinisanje protiv korone ne utječe na plodnost.

Zaštitite sebe i svoje dijete!

Vaše i zdravlje Vašeg djeteta na prvom su mjestu. U odluci o vakcinisanju protiv korone želimo Vam dati maksimalnu podršku. Evo najvažnijih činjenica:

- Trudnice imaju **veći rizik za teški oblik bolesti od COVID-19**. Ranija oboljenja povećavaju dodatno taj rizik.
- Trudnice koje obole od COVID-19 moraju se **češće intenzivno medicinski** liječiti nego ne-trudnice. Uz to dolazi **češće do nedonoščadi**.
- Trudnice se zaraze veoma često u **vlastitoj porodici** ili u **bliskom okruženju**.

Važno je znati:

Vakcinisanje protiv korone nema negativnih utjecaja na nerođeno dijete. Ne prosljeđuje se vakcina djetetu, nego zaštitna antitijela majke – prije rođenja i tokom dojenja.

Vakcinišite se!

Ako ste trudni, dojite ili želite imati dijete, možete se bez razmišljanja vakcinisati protiv koronavirusa. Vaše vakcinisanje štiti i dijete. Nacionalni gremij za vakcinisanje (NIG) preporučuje:

- Nevakcinisane ili nepotpuno vakcinisane trudnice trebaju da se vakcinišu u **2. ili 3. trećini trudnoće** davajući prednost vakcini Comirnaty od BioNTech/Pfizer (moguće je također Spikevax proizvođača Moderna).
- Ako **3. vakcinisanje protiv korone** padne u vrijeme trudnoće, preporučuje se u **3. trećini trudnoće** sa vakcinom Comirnaty od BioNTech/Pfizer.
- Bliske kontakt osobe trudnica trebaju se također vakcinisati.

Važno je znati:

Tokom trudnoće COVID-19 povećava rizik za nedonošče. Vakcine štite. Nema naznaka za povećan broj komplikacija, nedonoščad ili anomalije nakon vakcinisanja protiv korone u trudnoći.

Vakcinišite se sada!

Detaljno se informišite o vakcinisanju
kod doktora odnosno u apoteci.

Prijava na:

oesterreich-impft.at/jetzt-impfen



Ostale informacije na
sozialministerium.at/corona-schutzimpfung



Impressum

Vlasnik medija i izdavač:

Savezno ministarstvo za socijalna pitanja, zdravlje,
njegu i zaštitu potrošača (BMSGPK)

Stubenring 1, 1010 Beč

+43 1 711 00-0

Mjesto izdavanja i proizvodnje: Beč

Slika na naslovnici: © Inicijativa Austrija vakciniše.

Izgled i štampa: BMSGPK

Stanje: Novembar 2021.

Zadržano pravo na moguće pogrešne navode, štamparske i
tipografske greške.

Sva prava zadržana.